

上田縣志

第一冊



新修藍田縣志序

余以草茅新進荷蒙

聖恩遽膺民社惟是謹守儒素勉勉
勤勤敬與出作入息之侶共安
耕田鑿井之常以仰副

聖天子子惠元元之意於萬一云爾
豈敢妄言考求典則博徵文獻

哉迺前官高公昱以蒞任八載
政治優閒因與邑之人士修葺
舊志卷帙已成付梓未就而去
迄余到任中間已歷兩官甲寅
之春余來於此與茲事者以續
刊屬余今志旣已成矣比較舊
志刪節繁蕪而於忠孝節義仕

宦科名爲特脩允足垂信後來
而動人以爲善之心於風土民
情大有裨益非徒以考山川矜
物產集文藻見長也余讀至記
載長吏名姓處尤不禁蹙然有
感焉嗟乎可不慎哉其平庸無
善惡者記其名姓鄉貫而已無

論矣其賢者則必誌其下曰其
賢何如其未賢者竟誌其下曰
某事某事爲人所不足詞雖不
甚而貶刺之意較然可睹使余
少有不慎而爲後之修者著一
二言於下豈不貽羞於來禩耶
此余所展卷而不敢不惕然者

也自高公旣修之後數年間事
謹與邑人按實補之其贊修人
姓名亦並補列以爲後來急公
事者勸焉

嘉慶元年正月吉日

賜進士出身 勅授文林郎知藍田
縣事甲寅 恩科陝西鄉試同

考試官乙卯 恩科陝西鄉試
文武兩闈同考試官加二級紀
錄一次遷安馬學賜撰



藍田縣志序

余聞之上古結繩之風既邈而書契遂興厥後著述漸繁而經史繼之矣故左史記事右史記言下至晚近稗官野史雜說亦各紛紛紀載將以垂志不朽也矧縣志爲國家著述之要用以稽古而證今者乎是以縣之誌在在有之矣藍邑爲秦地僻壤騷人韻士遑遑皆托足焉其俗尚朴其氣多抗三古之風猶存若稱雋於文壇者寥寥數人而已故百年以來從無振奮於天衢者豈天獨嗇此一方乎亦由人文之率不先而凋弊遂至於此也其於不朽事業誰起而繼之耶獨吾清朝御極百度維新人文丕變俗尚士風駸駸大有起色于是百年名世遂應運而興矣殆亦元會運數之否極而泰來者也余于己亥八月殊單騎就邑晉見山水之秀風俗之雅

藍田縣志序

大慰昔之想第以簿書猥瑣不得與閒雲野鶴同作飛觀惟詢之高賢訪之耆老僅識某里某鎮爲本邑之疆圉某山某川爲本邑之瞻望終屬摹索未能扶筇躡屐使佳山勝水粲若列眉判若指掌也會許茶臺有通修秦省之舉檄取續志余躬親鄉先生與諸君子酌議但求之舊誌久已湮沒而無遺使博古者無所徵而握管者靡所籍矣于庚子春掃閒軒於張氏藝圃其間名花異卉之植千霄蔽日之枝紆細曲折之致亦足以發人幽趣動人逸興者爰質之一二同志相與朝夕晤言搜訪羣籍研精汰濁斥陳引新與夫名勝之奇觀高賢之芳躅悉爲拈補而圖繪焉余向之醇心於藍水玉山者披覽一過捫卷巡思恍若桃源乍歸華胥初覺雲山草樹都堪記憶也茲特授之剞劂集爲四卷傳之當世皆曰藍誌

矣迺邑侯天孫郭公自下車卽愍然以邑誌爲念蓋亦同慨
古道之失傳而徃集之難覲也越明年春日於張子藝圃偕
樸楊君復問愚並囑愚共修愚謝不敏歸而掇篋中所蓄與
張子文運文進謝子家駒張子博學孫子一鵬定次以應抑
以此求不失作者之志乎若夫編其集新其制易俸以償其
梓人令前美重光於星日後芳共昭於雲漢繼太史之遺而
應採風者之所求則固吾邑侯郭公事也

順治歲次庚子孟秋吉日

賜進士吏部觀政通家治生周良翰頓首拜題

嘉慶元年新修藍田縣志修纂官員姓氏

修藍田縣志

知藍田縣事高昱

纂藍田縣志

鎮洋王開沃

續修藍田縣志

知藍田縣事馬學賜

同修藍田縣志

藍田縣儒學教諭王志澍

藍田縣儒學訓導司 康

署藍田縣典史候補州同知范世業

藍田縣城守營把總黃天祿

藍田縣志 姓氏

一

續纂藍田縣志

玉山書院掌教候選直隸州州判江寧王芾

領辦藍田縣志邑人姓氏

候選訓導王有造

藍田縣志序

邑有誌如國有史也地里則誌風物則誌政事沿革則誌歷世忠孝節義則誌昆蟲草木凡可以適用者事雖細則又誌蓋大之等其圖於遷臺營洛小之備其理於山經水注上以考治而下以維俗誌之作也顧不重哉顧不重哉是以前人有志於斯者極意經營而恐其不可信可信矣復恐其不能遍及於世於是本乎身之所履目之所見耳之所聞藏書之所紀載長老之所誦說博訪之互訂之需之歲月始獲完集然後登之於板以代筆墨所不周而又懼後此莫繼終歸於盡徃徃以纂述之事更俟諸後之君子作者之慮蓋若斯其深且遠也使處其後者享其逸不念其勞任其或存或亡而殘闕不理不亦守者之過歟即如藍之名始於秦漢隸京兆

藍田縣志序

一

晉城之至後魏而更爲郡此後又幾變迨貞觀三年仍爲縣元明迄今未有改也而邑之有志宏治中始自任公同其事者實惟雙溪朝川兩樂先生爲最著萬歷年間復修於沈公而邑之縉紳大夫與其多聞之士又復有勞自宏治至萬歷百餘年而誌凡兩易自萬歷及今歷代二歷年六十其間輒聞誌事一無所緒列夫無所緒列猶可言也而且前所爲遞相著述者漸爲荒沒可勝俾哉余嘗遊名山大川所過郡邑一切風景人物可寄賞慕每覺帛之不能去云况生長斯土感懷愈切卽不敢謬附作者之林而又察令古今各勝煌煌典冊至此兩竟任其湮沒不彰也已亥北歸搜遺書訪諸故老家僅得舊誌數葉泮日月而集之有出一二副者有一半副者重則去缺則補失次則序終祇乎其不能無闕遺之憂

蓋令可傳者不致遺珠而可畧者無容溷璞雖不得與大人
先生金鉤玉勒媲美芳踪而亦大有益於國計者耳後之緒
是編者或得世史貢職方並垂不朽哉然爲之考較而續述
者揚君裘樸周君定侯也相與咨訪取裁則張子文運文進
我穎博學謝子家駒孫子一鵬諸生也余則總其大概云泐
海郭顯賢天孫氏撰

增修藍田縣志序

余僻居頓邱固陋寡聞舉凡名山之勝大川之廣從未一寓目閱歷於乙巳歲奉

命來藍抵孟津見其黃河曲折過函谷觀夫華嶽巍峩不禁低徊者久之緣到任期迫每以未獲遊觀爲恨未幾入藍境界見夫玉山兩峯競秀直與華嶽並其崔嵬瀨水一脈常流堪與黃河同其浩蕩白鹿之勝蹟已往而叢木繁陰嘉禾滿目猶有繡嶺之休風輞川之故址無存而田飛白鷺樹鸚黃鵬不滅唐人之雅韻以至高崖滴露野花出香真令人如歷山陰道中也因思山明水秀必有達人哲士挺生其間爰取誌而披覽之其間名垂竹帛功著史冊者固代有偉人卽草野之中型仁講義節孝堪傳者亦指不勝屈余不禁喟然嘆

藍田縣志序

一

曰地靈人傑亶其然乎奈此誌之修至順治庚子而止由庚子至今已七十餘年矣而此七十餘年中豈無功業可傳懿行可法者及今不修設一旦老成凋謝史冊無存則此七十餘年之忠臣孝子義夫節婦必且泯沒於荒烟蔓草中可勝悼哉余於是急欲增修而補葺之夫何逆虜蠢動西陲辦理軍需孔亟兼以簿書鞅掌日無寧晷遂有志而未逮茲於龍飛之八年我

皇上表彰懿行加意搜羅

命修一統通誌而三秦 各憲大人仰體

聖心開館纂修噫 各憲大人當軍興旁午之際尚不憚表微闡幽之勞予小臣守茲百里寧敢辭修廢補缺之瘁哉藍誌之增修實余之責也夫實余之責也夫適同宗之明經諱

大捷字月三者自幽西來今於道故之暇酌酒共商月三氏
告余曰否否邑之有誌猶國之有史也史必核其實誌豈可
徒循其名乎必博採故老訪詢輿評而後其行爲有據其事
爲足徵固不徒以文詞見長也必令邑之縉紳先生謀之而
後可予曰唯唯遂詣邑之縉紳周君諱琬孝廉張君諱士淳
王君諱有翼明經韋君諱東易臧君諱益溥以及文學之士
若孫子乃駒周子盛嗣王子于京與之共相商確而諸君子
亦與余有同心或訪之故老或詢之輿情旁搜記載不辭風
雨之勞廣求懿行竭盡心志之苦舉凡七十餘年之
皇恩惠澤賦稅之酌盈劑虛以及縣治中之或創或因無不
一一而畢具焉豈曰余敢妄作以自取罪戾哉正以仰體
聖天子表彰至意 各憲臺開館盛心更望後之君子接踵

藍田縣志序

二

其事遺者補之新者序之共成一邑之典籍以相傳於不墜
云爾

雍正八年歲在庚戌七月既望知藍田縣事頓邱李元昇書

藍田縣志目錄

卷之一

天文

地理

卷之二

風俗

物產

卷之三

建置

卷之四

職官

卷之五

田賦

卷之六

學校

選舉

卷之七

人物

卷之八

人物

卷之九

列女

卷之十

藝文

卷之十一

藝文

卷之十二

藝文

卷之十三

紀事

卷之十四


古蹟

卷之十五


雜記上

卷之十六

雜記下



藍田縣志圖



藍田縣志卷之一

知縣高昱重修

鎮洋王開沃纂

天文 星象 徵應

星象〔舊志〕古者建都置邑先正星野蓋以天行之數爲封建之大勢也晉書曰九州十二域或繫之北斗或繫之二十八宿或繫之五星相統不一而雍於北斗主魁於二十八宿屬鶉首博雅曰東井謂之鶉首則秦分應屬井鬼矣星宿論曰經宿盡於分野而堪輿不盡於九州如東宿窮於魯則三韓以外不得占奎婁也南宿窮於楚則交廣以外不得占翼軫也北宿窮於趙則幽陵以外不得占畢昴也西宿窮於秦則流沙以外不得占井鬼也昊天亦大矣彼外此者豈遂無星之可占乎蓋地異則星異地無盡則星亦

無盡而五官二十八宿特九州之星而非周天之星也至於所入度數各不相侔玉堂筆記曰天之有度猶地之有里每度略廣三千里度之最多者無如東井至三十有四若以里較之則不啻十萬有奇藍在秦東南一區耳星度所指等於芒杪又孰能縷析而洞矚耶今依舊志圖形合大勢以稽之天文志曰東井八星爲水事與鬼五星爲鬼祀事中白爲賈象應之昭然者然則舊圖之無與鬼也果何說與又曰井取其辨州城故四瀆附之五諸侯附之南河北河附之星象賦曰傷成於鉞禍成於井又曰弧矢直而狼顧軍市曉而雞鳴秦金方金主兵象而諸星之隸於東井者又多主誅戮侵掠之事此秦關之所以頻災也或曰積水積薪天罇闕即諸星俱可詳乎曰中外之官當明

明者百有二十四可名者三百二十爲星二千五百微星之數蓋萬一千五百二十度物蠢蠢咸得繫命又安得徧稽云

徵應晉書天文志穆帝永和十年正月癸酉填星掩鉞星占曰斧鉞用事七月庚午太白晝見晷度推災在秦是時桓温伐秦符健破其嶢柳軍又敗之於白鹿原皆藍田境也通鑑綱目晉安帝義熙十一年魏太史奏熒惑在匏瓜中忽亡不知所在於法當入危亡之國先爲童謠訛言然後行其禍晉魏主嗣名諸名儒與太史議熒惑所詣崔浩曰春秋傳神降於莘以其至之日推知其物今熒惑之亡在庚午辛未二日之間庚午主秦辛爲西夷熒惑其入秦乎後八十餘日果出東井留守鈞已久之乃去秦大旱童謠

藍田縣志卷之一

訛言國人不妄間一歲劉裕遣沈田子傳宏之趨武關宏之進據藍田沈田子大破姚泓於青泥秦遂以亡

按天象之驗於秦者多矣獨此三兆乃首應於藍田一邑之中誰謂黑子彈丸無關象緯乎哉

地理沿革 疆域 形勢

秦按邑本禹貢雍州之域周爲王畿地以其時未有藍田之名故斷自秦始

沿革一統志秦置縣 史記六國表秦獻公六年初縣藍田漢書地理志藍田縣秦孝公置

按通典及長安志但云秦舊縣元和郡縣志太平寰宇記俱從漢書

水經注引竹書紀年梁惠成王三年秦子向命爲藍君蓋子向舊邑也

按事在秦獻公十五年前此九年已縣藍田爲子向舊邑至是始命爲君後始皇并天下藍田屬內史

〔元和郡縣志〕周禮玉之圖球其次曰藍蓋以縣出美玉故名藍田

按周禮無球藍之文通典縣下亦有此二語而不云周禮惟長安志與此同

〔郡縣釋名〕引史記索隱曰因藍田山得名

按索隱無此語史記正義云雍州藍田縣在州東南八十里因藍田山爲名子章蓋誤以正義爲索隱也

兩漢

〔一統志〕漢屬京兆尹後漢因之 〔陝西通志〕秦孝公置藍

田縣漢因之 〔後漢書郡國志〕藍田出美玉

藍田縣志卷之二

三

三國魏

〔補三國疆域志〕京兆郡漢置尹魏改太守領藍田

晉

〔魏書地形志〕藍田二漢晉屬京兆按晉書地理志京兆郡領縣九藍田其一也

北魏

〔地形志〕真君七年併入霸城大和十一年復 〔長安志〕隸

京兆郡

按元魏京兆郡又領山北縣地形志山北縣有風涼原有苦谷皆藍田縣地也第析置年月未之詳耳

西魏

〔通志〕西魏藍田屬京兆周書王悅傳大統初爲藍田縣伯

卽此